



之

巴

如

乙巳占卷第八

朝議郎行秘門郎中護軍昌樂縣開國男李淳
風撰

彗孛占

長星狀如帚彗孛粉絮淳口然皆逆亂凶悖之象狀
雖異為殊則一也主兵喪除旧布新也餘灾不尽為
兵喪水旱凶飢暴疾長大則灾深短小則灾淺所指
之國受殃

彗孛犯月五星主兵喪中國兵動四夷來侵百姓不
安

凡彗孛見亦為大臣謀反以家坐罪破軍流血積尸
哭泣之聲遍野臣殺君子弑父妻害夫少陵長百姓
不安干戈並興四夷來侵國兵大出飢疫死亡之事
凡兩軍相當執本者勝隨彗所指處以討之
彗星有行有止止者事小行者事大各以國之分以
占之

彗孛犯列宿占

彗孛出行歷二十八宿留舍出見百日不去三年應
之百五十日以五年應之灾深
彗孛犯兩角間白色軍起不戰固有天喪赤色則戰

亡指處有破軍侵城期七十日或三年

出角天下大亂改政暴兵起有戰近期二年中五年

遠九年

彗孛出角七八尺天下更政國有兵喪人民多疾疫
相食不出三年

彗孛出亢天子失德米大貴

彗孛出冬天下大赦其星滅民大疫米大貴兵起

彗孛起于底中天子不安宮室移徙失德易政

彗孛起房中天子無道諸侯奔守國

貫房王室大亂

犯鈞鈴王宮大亂不出三年

彗孛出心兵起劍戟交鋒大臣相疑有戮死者期七
日中又十日遠半年

彗孛出心居房守之天子表德令不令墮虫大起人
民飢流他國期一年遠三年

彗孛出入尾后相責臣誅兵起宮門宮人走出國易
政近一年遠三年

彗孛犯尾后妃以珠玉簪珥忖天子祗說大臣后相
貴臣謀害人走兵起宮門歲之功近期半年遠期一
年

彗孛出箕夷兵為亂大兵起天下大亂米貴十倍大
飢

守箕東天下溫与水居將為亂

彗孛長犯南斗爵祿大臣大憂王者病疫臣謀君子
謀父天下易政兵政大亂近半年遠一年

出南斗下謀上兵水並起天下亂

犯南斗吳越兵起自五三年而滅

彗孛犯牛中國兵起

出牛四夷兵起邊境來侵中國君有憂近一年中二
年遠三年又曰牛出改元易號之說又曰多兵糴貴

牛死

彗孛犯女其國兵起女主為亂妾迁為后王者無信
大亂不出三年退女所親天下安靜

出女女主為亂王者惡之將軍戡若以战亡不出三

年

彗星出虛兵大起天子將兵于野大战流血世光所
指國必亡期三年遠五年

彗星出虛危間其國有叛臣大兵起將軍出國易政
期三年

彗孛犯室先起兵者弱不利戰亡將失地去之吉近

半年歲三年一曰出室大水

出室壁間兵大起有憂不出三年

彗孛犯大角六七尺長天下大亂兵起國易政期三

年

出大角亡國之兆

秦始皇時彗出大角後則秦亡蓋大角為帝座也

彗孛犯天帝地震

犯宦者中外有兵

彗孛犯天帝所犯者誅

犯帝座大亂宮徙大臣憂期三年

乙巳占

卷八

四

彗孛犯天江大兵攻國王者以赦之解之則年豐
孛犯建星王者失道忠臣誅賢士逃亡

彗孛犯王良後宮為亂宮人有誅若有守陽內大旱
守陽大水五谷不收人民飢饉

魏陳留咸熙二年五月彗見王良長丈餘色白東
南指之二十日滅占曰天子御駟彗掃之除旧布
新之象色白為喪王良在東壁次并州分野八月

晉文王崩十二月帝避位此彗犯王良之兆

彗星出天大將軍兵大起旂鼓凍將軍出若守之將
軍死有誅不出三年

彗孛犯五車兵戈滿野天下半傾百姓流移期三年
彗孛出天關兵大起道路不通多盜賊至憂

守天關與上同占

彗孛出南河蠻兵起邊戍憂關吏有罪一曰大旱守

北河胡兵亂侵中國守之胡兵敗

彗孛犯五諸侯王室大亂兵起天子宮廟不祀

出五諸侯執法臣喪亡國死不出三年

彗孛出室天下易政兵亂

見室中後宮亂一曰有德令

犯室先起者不利主破軍亡地期三年遠六年

乙巳占

卷八

五

芻藿耗罄其國起兵火災廟堂四門流血被降

出孝庄者兵起毀壞宗廟四門流血滯沓人民皇

不第其殊近一年中三年遠五年

芻藿耗罄其國君出戰大飢人民相食國無紀綱近

一年遠三年

出奎西圮奔兵伐中國其下石米千文錢天下大水

庫兵患出禍在強臣外夷相應首謀期三年

出奎魯地兵起

芻藿耗姜國有大兵四時絕嗣不出三年

出姜亦主大兵國亡旱後大水人民流亡五谷大貴

期一年遠三年一日倉廩空六畜多瘦

彗孛出胃五谷不成倉廩空虛

彗孛出昴胃潤狀如竹竿而倚壯兵起之所為太白
變見不過一年其國兵起有表一日兵灾大臣為亂
君弱臣強邊兵起天子憂人民驚恐期一年遠三年
一日大國兵起

彗孛出柳國誅大臣兵並起又曰強臣凌王天下傾
危其國大旱人民飢亡近三年遠五年一日彗孛出
柳有兵凌上大旱五谷貴

彗孛犯七星國主不安兵起宮殿貴臣遭殃近七十

日遠半年

彗孛出星張間狀如疋布後風而靡此為兵戒災或
之變見也又曰狀為焱火亦為兵災災或之變也

彗孛犯張其國內外用兵主徙天下半亡

出張大旱五谷不收米貴

彗孛犯翼其國有兵大水為災遠期半年

彗孛出翼軫間天下皆謀上國有大喪人主崩亡有

火兵不出三年

出翼其國有兵荒喪事人民飢亡所指處有降伏期

五年

彗孛犯軫兵喪並起近期半年遠三年
出軫天子崩兵喪並起宮門車馬出入無主期三年
中五年遠九年王公可以赦除咎可以消安

彗孛犯中外官占

彗孛出揖提天下亂帝自將兵于野兵起宮中王者
出胃天下起兵五谷不登人民飢饉京師倉困蒸室
期三年五年遠七年

元順帝末年昴宿出彗乃洪武改元之兆

彗星出昴則赦

犯昴大臣為亂國兵大起期一年一曰有丈夫數萬

芻李犯畢胃邊境大戰中原流血

出胃畢甯是間小而長狀如長竿上壘之然而出兵起填星之變見不過一年兵起宮中女主有殃

芻李犯甯其國兵起揚亂期一年三年

出甯至死民流大臣出戰亡國期三年五年

見甯破國亂軍伏死其辜

芻李犯參其國邊兵大敗軍死地亡期一年二年

出參天子更政

出參天兵代蔽地大臣謀反君憂天子擐甲斧鉞兵

馮駝道考弩文張期三年五年

入參其國甲兵起

弩孝在井大人死三十日兵將當之見七十日主當之

犯井大國謀其國用兵期百八十日

弩孝犯鬼國有大兵橫行期三年五年天子以教令

咎

出見于鬼名曰表棲皆以赦應之至表有誅者貴人當之至夏期一年三年

弩孝犯積水兵起宮門宗廟毀絕大臣夏

乙巳占

卷八

八

彗孛犯積薪有亂臣于宗廟

彗孛犯水徑水道不通兵伏水中以水為憂若夫勢

官人不安主憂官人當之

彗孛犯軒轅天下大亂易主以五色占之期一年

出軒轅而守之宮門女主死期三年五年

彗孛犯少微白衣會王者凶術士不显智者逃亡期

三年

彗孛犯太微天下亂有兵表大人惡之有死主以色

占期

彗星虛歷太微所歷者亡

彗孛出太微天下亂不過三年必易政以色占期六
為徒王

彗如粉絮入太微五帝座國有大表大臣立天下亂
若犯守四帝座輔臣有誅執政者亡期二年

彗孛犯五帝座王者亡子孫不昌王者修德却天奉
祀宗廟則災禍自消

狀如帚色犯內屏兵起出內屏守衛臣有誅執法者
當之

彗孛犯北斗有殺伐春秋時有孛于北斗則齊魯晉
鄭宋吳之君並為殺亂

李紀東方則楚滅三家田化分冀齊魯

漢文帝末李西方後吳楚七國反而誅滅亡

晉大始末至太康災異數見而晉氏隆盛吳滅亡
天變在吳可知矣

昔漢高三年李見大角項羽亡漢氏無事者因項
氏先受帝命王也晉吳之間天下橫分大角李見
而吳項王同也

大角一星北隨斗杓星以指十二辰南附角宿以為
二十八宿之始况上又有周鼎帝席星李則見之正
得道者昌失道者亡之謂也

芻李出紫微天下易主

芻李出三台三公誅喪

芻李出教法其主有憂政令不行國失紀綱

芻李出羽林軍其衛軍友

魏正始六年八月戊午芻見七星二尺色白進于

張二十三日滅九年三月見昴長六尺色青張為

周公翼軫為楚昂為趙魏芻所指以除旧布新主

兵表至嘉平元年司馬懿誅曹爽兄弟并其黨夷

三族京師發兵三年誅楚王彪又襲王浚于淮南

東趙楚二王幽于鄴

雜星妖星占

妖星晝見

甘水曰星月並見名曰陰斜與日爭光為武弱之
強在邑為文在野為兵

恒星不見

楊金論曰凡無名之星或見或不見惟二十八宿
度有常故曰恒

左次傳曰魯莊公時恒星不見夜中星隕如雨傳
曰恒星不見失明也

穀梁傳曰恒者在位人君之象不見者無君之象

呂氏春秋曰至亂之代星門星搖

漢文帝元年天中星動上問候星者對曰民勞也
後伐四夷百姓勞于兵革

京房曰星者陰陽之精萬物之辭五行之形其依
在下精耀于上百官之命各因其原飛行則為人
不安大星墮下陽失其位災害之萌也人君當悔
過及修省以安民則星宿正矣

京房傳曰君不任賢厥妖必見

黃帝曰妖官五行之氣五星之變各見其方以為
災咎以五色占之知為何國吉凶殃矣見無道之

國為飢為兵水旱死亡之象又曰凡牧所以出現
形狀不同為殃一也不過一年三年君死國亡天
下反亂戰死于楚積尸流血餘殃不盡為水旱兵
飢疾疫之患也

天棓星

河圖曰歲星之精流血為天棓

班固曰歲贏而東變為天棓星

石氏曰天棓出其國不可奉事期三年必破軍

攻城

甘氏曰天棓女主用事

天搶星

春秋緯曰歲星退而南三月天生天搶陽流變萌
義亂兵行諸侯大橫所見國不可用兵

漢天文志曰孝文帝時天搶夕出西南占為兵喪
後六年十一月匈奴入中國漢兵起以衛京師

班固曰狀如椎雞大怒又青黑如伏鱉

春秋合榘圖曰黃芩分為旬始為立王之象主亂
招搖見則臣亂兵起諸侯害期十年聖人作代群
奸惡党又曰旬始所照之必不有滅王

漢天文志曰旬始如鱉則群消橫恣

玄冥占曰有如雄雞其色赤黃名曰旬始天下有
兵國不寧期三年

天狗星

黃帝占曰天狗星五星之氣出西南有金火氣合
名曰天狗

孟康曰天狗有尾旁有短彗下面如狗不食其
兵敗

石氏曰西北有星長三丈而水出金氣合名曰天
狗見則大兵起天下大飢人民相食
石氏曰天狗所處必有大战破軍殺將伏尸流血

天狗食之期一年中二年遠三年各以其下處之
國占之

郗萌曰狗色赤白下有小足後有尾所下之地流
血國易政

漢天文志曰哀帝時著天白氣廣如一尺布長十
餘丈有聲如雷西南行止名曰天狗

傳曰天不從則降天狗為禍是年人民驚喧奔走
春秋傳曰奔如犬有聲望之如火則見西方相射
漢史云西北有光三丈如火名曰天狗見則人民
相食又曰狀如大鏡又曰大流星有聲下地如狗

所墜如火光于其中天甚不圓如數頃田如鏡見
有黃色十里流血破軍殺將

漢史曰昭明下為天狗兵起流血

洛書曰昭明見霸者出

春秋運斗樞曰昭明有芒是也

河圖曰太白散為天狗其狀赤白有光下小無足
所下國易故

唐貞觀十三年正月三日午時東南方如雷久而
方絕亦云天狗象說不同未詳孰是推亂亡之運
為天狗是也

天係星墜地聲如雷光燭見鬚眉大雉驚以氣運方
向人心推之其下有喜

枉天星

說苑曰枉天星五星盈縮之所主

巫咸曰枉天類犬星色蒼黑望之如有毛長數尺
海中占曰枉矢類流星望之有毛白如疋布故
着天主天下兵起乎出期三年

天文志曰枉天所能之所被伐滅亡之象物類其
直如矢如蛇不能直行矢而枉者執天者不直以
象項羽執矢不直故也

天鋒星

宋均曰天鋒象牙鋒也

洪範五行傳曰漢昭烈時天鋒出西方天帝東行
過河鼓入營室中呂曰有亂臣戮死後有將軍上
官桀與燕王謀反伏誅

蓬星

荊州占曰一名蓬星狀如火光多則四五少則二
三其蓬星在西南長數丈左右有光出而易處
漢天文志曰景帝中三年六月壬戌蓬星見西南
在房可二丈大如二斗氣白色癸亥在仁東北可

一丈甲子在尾北可六尺可知在箕北近漢相去
小旦時大如桃壬午去占曰蓬星如出必有亂臣
房心間天子宮也是時梁孝王欲為漢嗣使人殺
諍臣袁盎大臣斧鉞用梁王惧乘車入闕伏斧謝
罪然後得釋

雲氣入三垣占

赤黃氣入紫微宮天皇大帝上有立王

赤氣潤澤出紫微垣天皇大帝上如刀劍天子有喜

皇台懷孕

赤黃氣出紫微宮東南蕃星天子以財賜諸侯一日

有兵

赤氣去紫微宮句陳上起兵

黃白氣潤澤如刀劍形入紫微宮御女星上天子有

男喜

黃白氣正圓如椹棗入紫微宮中有五王事又曰天

子有璧玉事

黃白氣入紫微宮中五王侯

白氣如龍鳳或類鳥獸入紫微宮時樂氣喜容

蒼白氣如紫微宮其禍除或入長垣胡人兵起

蒼白氣入句陳天子立宗廟事

黃白氣出句陳兵在外告罷

黃白氣入句陳大將戰

黑氣入句陳大司馬軍中死

白氣北斗魁中入之貴人下獄

蒼白氣入北斗魁中大臣禁病者禍除

赤氣入北斗魁中大臣有斧鉞者斬

黃氣入北斗魁中天子有德令一日左右侍臣遇德

令

黃氣入北斗魁中集輔星有喜

赤氣入輔星相受斧鉞之誅若集輔星相憂

蒼白氣出東西掖門天子憂喪事出太微垣禍除
黃白氣潤澤入太微垣天子有喜事

赤黃氣入太微天子用財幣賜王

黃赤氣如箕帚出太微天子錢賜美女

赤氣如梧椀正園光明出太微垣中天子用璧賜諸

王侯

氣上赤下白大如井從外入太微庭者氣乃和臣之
氣園乃貴臣之氣東出掖門兵起將受命

赤氣出太微中兵起一日立王

赤氣入東西掖門內亂兵急

黃白氣出太微垣上若旂有老人君有大喜

黃赤氣入太微垣如箕帚婦人喜

黃氣類鳥獸入太微垣皆喜氣

黃白氣入太微垣東西掖門天子喜見臣下

黃白氣如棗椀正園入太微垣有獻美女者

黃白氣入太微中立王

赤氣如龙蛇在太微宮闕上有白衣會若環繞太微

天庭而入之弒君有大喪此氣皆奸臣逆賊之氣

黃白氣出東西掖天子出令德一日雲如鳥獸在太

微中有人物外應

黑氣入東西掖門大人憂

蒼白氣如走獸入太微座傍，有反者，一日天子有

憂喪事

青赤氣出五帝座南不出九十日君失其政外走天

下不安

赤色直抵太微座諸侯內亂

青赤氣出五帝座下入幸臣中不出六十日近臣謀

主氣不明事不成明王苑亡天下大亂

黃氣出太微座太子即位期兩月

黑氣抵太微座左右諸侯死

蒼白氣入郎位郎官受賜

黑氣入郎位多有死者

蒼白氣入天樞有兵出則禍散

赤氣入天樞兵起大將死

黑氣入天樞大人受

黃氣入女床後宮有子喜

白氣有表

黑氣入女床後宮有死者背後宮病

青白氣入貫索中禍除

赤氣入貫索中內亂兵起

蒼白氣出天市垣禍除物賤

黃氣入貫索中天子喜

赤氣入市垣有斧鉞用事有大憂兵器貴尚弓弩

黃氣長二丈如縮布常集天市有神奇物天子喜

蒼白氣入南斗多大風

赤氣入北斗天下兵起及宗廟火災大旱

赤氣入北斗中還白已南斗不出一年有流血兵將

无客勝王

黃白雲入北斗天子必立太子遠一年近百日

蒼黑氣出北斗魁中去其禍除

黃氣蔽北斗明日雨

赤雲掩北斗明日大熱殺人

白雲掩北斗不過三日雨

青氣掩北斗五日雨

天晴北斗上下独有雲後五日內必有大雨

赤雲入柝提九卿憂

黃氣入柝提弋殲用事

青雲一道如千尋槍竿冲过大角者梁棟折

黑氣出梗河兵大战

蒼白雲招搖三夜不去大人憂

五星氣占

歲星芒氣長三丈王者不安有喪事

熒惑出芒角長二丈百日旱星兵飢疾疫

填星芒氣長四丈王功大興

太白芒氣長三丈風雨起于指處

辰星出芒角長一丈大水

雲氣入列宿占

角宿有雲狀如弓劍直冲經角間有憂陰謀起天子

下殿

蒼色雲入左角兵散出右角戰有憂

亢宿有雲入之人民有疾

有雲入亢出氐君疾

凶宿有蒼白雲入之天下大疫流行

黑氣入氐水災

房宿有赤氣狀若人而入之后有妊不然奸事起
有氣入房宮中大兵內亂

心宿有青雲出之天子使諸侯將出

有白氣入心左星太子受賜入心右星庶子受賜

蒼白氣入心中星天子有憂

尾宿蒼雲入之故臣有來歸者出尾臣有死者

乙巳占

卷八

二十

白氣入尾君故臣有來者

箕宿蒼白氣羊出箕國災除又曰入箕四夷來見

黃雲入箕有蠻夷來賓

斗宿蒼白入之多風

赤氣入斗兵起

斗宿紅雲出于牽牛之度必崩城期三年

斗宿蒼雲入之多疾

斗宿赤雲入之婦人多以兵起

白雲入女女多疾

虛宿蒼雲入之哭泣內庭出靈禍除福興

蒼雲入虛天子以喜起廟祠稅

危宿蒼白若赤雲入之有土功蓋屋大作之事

蒼氣入危中國變損屋

室宿蒼白雲入室大人喪主憂

宿室蒼白雲入室

氣潤澤如日月見室中有男子之祥

壁宿有赤雲入之有兵起

黑雲入壁有破土

奎宿赤雲入之有兵疾病

婁宿白雲入之有受貴者

乙巳占

卷八

二十一

黃氣入妻貴人受賜

胃宿有蒼白雲入之糶貴

黑氣入胃困倉敗谷腐

胃宿赤蒼雲入之人民多疾疫妖言大起不然龍見

畢宿蒼白雲入之歲不收

出畢口其禍除又曰赤氣入畢兵起大旱火災

觜星黃雲入之皆赤凶

白氣入畢口中其歲大人必有王者

黑氣入觜大人憂

參宿蒼雲入之有大災

赤氣入參內有兵起

井宿黃白氣入之有客來賓渾水事起

赤雲入水井大水火勢有疾病

鬼宿白雲入之有疾病憂

黑氣入鬼太人憂

柳宿赤雲入之有失火之事

出柳大旱

黃雲入柳中五十日散

七星宿蒼雲入之大人憂

赤氣入七星四曲五曲不止者有反臣

乙巳占

卷八

二十二

張宿白雲入之大客有憂

赤氣入張天子用兵賜物

黃白潤氣入之張天子有喜賜客宴

黃赤氣入張憂

出張天子用兵

翼宿黑氣入之政改

有氣三夜不去翼大人憂兵大起兵騎滿野

軫宿蒼白雲圍之有亡國之戒

蒼白氣入軫王犬幸觀出軫禍除

黑氣如鼠入軫正中大人墮車憂或落水

黃白雲入水軫天子用車為幣諸侯王受賜

雲氣入外官占

赤氣直入千尋槍竿冲庫樓天子自將一兵一犬動
五庫官憂內外官不安

赤氣入魚星車騎滿野軍大動將軍憂
蒼白氣入羽林軍直南出后有憂

赤白氣入龜星下官憂

赤黑氣入魚鬣星白衣人會天下易政

赤氣入傳說諫官憂

赤氣入北落師門中兵起

乙巳占

卷八

蒼黑入北落飾門歲不熟

青白氣入天國歲飢

蒼白氣入騎官將死

赤氣入敗曰人主凶

青氣入天原飛蝗虫

青氣于^天苑而食之中馬牛多傷

赤氣入參旂不出一年西胡來欲盜中國若侵地不

出三年天下繁擾百姓多憂

蒼赤氣入天廟中天子有陰病

青赤氣入天漢中兵大起

蒼白氣入咸池水中所多死

蒼白氣入折威中大臣作逆大内乱兵起天下失勢

赤氣入天積中有天憂芻蕘一名天積

蒼白氣入河鼓中将有憂

黑氣入欽瓜星天子食果为害

蒼白氣入天津中舟楫有憂

蒼白氣入織女女憂病

赤氣出天江車騎將軍出

蒼白氣入王良奉車者憂

蒼白氣入附路太僕官憂

乙巳占

卷八

二十四

客氣出王良中不出一年有自王者

蒼白氣入三台人既多喪

白雲大團長二三丈出天牢貴人及親屬必斬死
赤氣入天理中兵大起

雲占附氣

雲如天帛而行若南若北若西若東君戰忌戰敗必
有精兵

四望無雲獨見赤雲如立蛇其下流血大戰

四望無雲獨見赤雲如立人其下流血

四望無雲獨有雲如覆舟其下大戰流血皆敗氣也

赤雲如火影見者臣叛不過三年王破見死將客勝
主人敗

赤雲覆日如血光大旱人民飢疫赤地千里

黑雲如大道一條長明不見頭尾東西者不過三朔
大放天下一日大水

黑氣如群羊猪魚者四夷不順

黑氣如斗如群鳥蛇变化者為疾人民流亡乳媪夷
兵侵欺中國宜遣伺侯讒言為惡

雲如布疋竟天兵起

四望無雲獨見黑雲極天兵大起雲半天兵半者名

乙巳占

卷八

二十五

天溝

不出三日大雨

四望無雲獨見赤雲如火炬其下大戰流血

白蛇夜出其年兵起

白氣如帶一道竟天有暴兵

白蛇長而竟天主暴兵流血

雲氣如三疋布廣前銳後大將軍行之氣

氣不高乍下往々而聚騎之氣

卑而布卒之氣前高後卑不止而反枝騎之氣

正蒼黑長數百尺游兵之氣如帚上黃下白喜之氣

上黃下赤怒之氣上下黑憂之氣黃白上切之氣白

徙之氣

凡候氣之法氣初出時若雲非雲若霧非霧彷彿若
可見初出森々然在桑榆之上高可五六尺者是一
千五百里外平視則千里奔目則五百里仰瞻中天
百里內平望桑榆間二千里登高山而望四下屬地
者三千里

凡欲我軍甲巳庚申子戊午未亥日入月十八日出
軍登高望之可見依別記之百人已上皆有氣

凡占灾异先推九宮八卦六壬日月不應陰霧風雨
者事可占

新敵有雲來甚早掩溝蓋道是大賊必至食不及飽
急起嚴備之

敵在東日出候在南日中候在西日入候在北夜半
候

凡氣在王相色吉在囚死色凶

凡軍上氣高勝下厚薄定勝虛短澤勝枯

凡氣如飄上氣勃、上升積為雲霧、為陰、氣結
為虹霓暈珥之屬

凡氣不積不結散漫一方不能定必須和雜氣森、
吳楚七國反

國皇星

巫咸曰國皇星大而赤類南極老人星也

春秋考異補曰國皇見東方則兵起天下急

司馬彪曰孛

靈帝光和中国皇見東南角去地一二丈如炬火
狀十餘日不見吉凶國皇為亂内外肩表後黃中
賊反燒州郡朝廷遣師討之平斬首十餘萬

蚩尤旂

河圖曰熒惑之精流為蚩尤旂類彗而後委曲象
旂也

說苑曰五星盈縮所生蚩尤旂也

夏氏曰望無雲有赤雲獨見名蚩尤之旂

黃帝占曰蚩尤旂類彗後委曲雲象旂長可二三丈見則王者旂鼓大行征伐四方兵大起不然國有大喪期三五七年

魏高貴鄉公元年有白氣出西南側廣數丈竟天乃蚩尤旂也東方有亂後母卯儉據淮南而叛也春秋運斗樞曰蚩尤旂于太微法滅帝死于野

天譏星

甘氏曰天譏星在西南長數十丈左右銳出而易

處

京房曰天詭星在西南長數十丈左右銳出所出
在西南之下有詭星為兵赤地千里積骨如山
旬始星五星盈縮之所生

巫咸曰旬始出于北斗旁可論軍事占軍上氣安
則軍安不安則軍不安氣南則軍南氣北則軍北
東西如之氣聚則軍聚氣散則軍散

候氣常以平旦下晡日出及時氣見以知夫占之期
內有大風久陰則災不成故風以散之陰以凍之雲
以塵之雨以解之

雲氣吉凶附霧

慶雲赤紫色如烟非烟如雲非雲郁、紛、蕭索
是謂慶雲亦曰景雲見者國有慶、雲有五色潤澤
和緩見于城上景雲也一曰慶雲非烟氣五色氤氳
一曰卿雲景雲者太平之應也五色為慶雲三色為
雲一曰外赤內青

雲赤如龍狀名曰昌光帝王王起則見

如是非星如雲如雲或曰星有兩赤彗上似蓋下連
名星曰歸邪歸邪有得國曰暈黃色及抱攝珥直光
履黃道皆吉慶之事

京房易飛候曰視四方常有天雲五色具而不具
雨而不雨者其下有賢人隱

青雲潤澤蔽日在西北為卒賢良

赤氣如繖蓋覆軍上千里戰有慶千里外戰有憂

黃氣臨西向東向戰並出北向吉

赤道氣隕日出軍行有廢隕日沒吉急者或曰天下

繖吉或敵繖不行凶

赤氣漫血色者流血之象

赤氣如龍蛇在山頭住又如炊光者臣高其君國主
不安為客君所傷人民流離遠其鄉里

赤氣覆日而光大旱民飢千里 何知賊得否赤雲
行黑雲滅賊可得若獨行無黑雲隨之賊不可得

黑氣如死人頭若在營上敵有所厭且求降許之不
許必斃功難成士卒多死假令東伐有白雲從西來
因隨而擊之勝若有赤雲東來逆軍敵勝伐軍當敗
急守此地方

黑雲如積土在我軍上敵來襲我必堅守經月敵必
離、而後戰必大勝

若敵在東方白雲東來又有雲東去相逢須臾過者
雲已去而有風隨所望尤虎之狀若在我軍上者皆

大勝雖從雲而風迎者亦不可戰若有雲氣橫來者
助軍不合急先伏止不然有遁將

黑氣游行中舍

黃氣在吾軍上急令舉兵不速战士卒必有逆必罷
急助軍在當被軍

有赤氣狀如赤天布廣長數丈其下色黃白必有反
背之意昏見在臣旁夜見在兵宜脩之

凡被圍中日視圍上氣鬱如火光芒勢翕然者
其方救至無有無救

軍行有暈如虹者軍大驚宜脩之

若黑氣南北障之國將有憂不然有大水為害
白雲白氣極天南北障之有憂

若天氣蒼茫而東西極天移者不動為憂深此氣以
庚己者為災

日入有青氣東西極天數日內無風不出三年將有

大表

赤雲臨園上東西障之國有憂負兵者以甲乙寅卯
日霧氣青出東方向客者客勝夏以丙丁巳戌日霧
色赤氣黃西行為利客主人凶秋以庚辛申酉日霧
氣色白東行為客先奔兵勝後奔敗冬以壬癸亥子

日霧氣青黑色南行與軍之象以四季壬子月以戊
己辰戌丑未者黃氣向白利客主人內亂

山中冬霧十日不解者山欲崩之候霧者百邪之氣
陰來冒陽奸臣謀主搖威立權在天為濛在地為霧
日月不明為濛前後人不見為霧晝明夜霧臣得伸
夜明晝霧臣不伸一云君政邪人聚至上臣謀冒其
君故有霧覆之氣也臣以非政亂君霧從夜半至
日中不解逐上為濛君不悟臣行奸政于百姓過日
中似雨臣若無所避

濛日見邪人欺君有政則明法令審取順信臣而無害

霧終日終時君憂色黃小雨白主喪兵青疾病黑主
暴水赤有兵喪旱黃主土功或有大風

凡夜霧白晝見臣有憂晝霧白虹見君有憂虹所曲
二地流血之象白虹氣出其年兵喪

凡霧氣不順四時連相交錯微風小雨為陰陽氣亂
之象後寅至辰巳時周而復始逆者不成積者晝夜
昏暗天下分離

凡霧四合有虹見其方隨五色四時色吉非時色凶
凡霧氣若晝若夜其色青黃更相掩覆乍合乍散臣
欲謀君為逆不成成者自亡

凡霧四方俱起百步不見人名曰晝昏不有破國必有滅門

凡天地四方霧濛若下塵十日以上或一月或一時不需衣而有土名曰霾故曰天地霾君臣乘不大旱外人來

雲如疋布而行若西南若邑郛者其主有慶
雲氣如亂穰大風將來視從來處避之
雲甚潤而厚大雨必暴至

四始之日有黑氣如陳厚重大而多雨氣是霧非霧
衣冠濡濕見則城中帶甲而起

乙巳占

卷八

三十一

日出後時有雲橫截之白喪黑驚三日雨各解
雲氣如雞兔臨軍臨營中軍士死下

天有青氣入營兵弱驚

天有赤氣入營兵暴驚

天有黃氣入營兵和解

天有白氣入營士卒疾病一日兵相殘急移營

有雲如蛟龍所見處將軍失魄

有雲如瓦來陰圍在三日內下有雲如日月暈赤色

其國凶青白色有大水

有雲狀如雲行國大水流下

有雲赤黃色四空終日竟夜照地者大臣縱恣
有雲如氣味而濁賢人去小人在位

凡遇四方盛氣無向之戰

甲乙日青氣在東方丙丁日赤氣在南方庚辛日白
氣在西方壬癸日黑氣在北方戊己日黃氣在中央
四季日戰當此日吉逆之必敗

甲乙日平旦所向有白雲不可攻丙丁日所向有黑
氣皆為城堅不可攻他倣此

凡天見五色雲氣望東南西北子午卯酉若百步千
步十丈二十丈一尺數尺長如車道長百十丈長者

乙巳占

卷八

三十三

日長相尅大門不相尅寄居夏除
赤雲加西方客勝加北方客敗加東方和祥不門加
南方軍還天下安無兵

氣所臨有天命

所臨漸勝將吏有功

死氣所臨被圍降敗疾病飢饉破敗

囚氣所臨被圍降敗

休氣所臨兵罷無功士卒亡散

日中黑氣君有小過臣不揚君善不掩君惡故日中
有黑氣不明也

霧百邪之氣所感為土雨也宮日霧至日中不解
或散或聚其占極重設若次日再霧解其禍矣至
有十數日皆是主臣下蒙閉君象

乙巳占卷第八終

乙巳占

卷八

三十四

乙巳占卷第九

朝議郎行秘門郎中護軍昌樂縣開國男李淳

風撰

易曰天垂象見吉凶聖人則之又曰觀乎天文以察
時變觀乎人文以化成天下故伏羲畫卦以定逆順
之微軒轅說圖寔著陰陽之道蓋大聖人所以通天
地之至理極造化之能事祓好擬乎神机作範擬于
繫象惟神也故冥默可尋惟幾也故幽玄何驗至若
仰觀俯察輔國利民觀象考微全身保命探禍福之
源徵成敗之數賢達所尚由來久矣淳風不揣愚昧
乙巳占

少而研習雖著述不無而每多繁雜輒以負薪餘日綴集衆書考論群士綜錯黃咸博聞金石以及三都息谷五伯高宗略其指要撮錄秘驗吉凶勝負以類相從勒為一部聊備遺士并指圖略例示二三好道畏命時或覽審能精之萬不失一也

帝王氣象占

凡天子氣內赤外黃視四方所發之處當有王者若天子欲有遊徃處其地亦先發氣遠近數星如法計之吉凶以日辰相剋相生決之凡王者氣發常以王相日多與時日及辰相生其法

並在略例中

天子氣如城門隱隱在氣霧中恒帶煞氣森然
天子氣如華蓋在氣霧中或有五色又多在辰昏見
天子氣如千百人馬在雲氣中

天子氣如五色如山鎮

天子氣如高樓在雲氣中

洛書曰蒼帝起青雲扶日赤帝起赤雲扶日黃帝
起黃雲扶日白帝起白雲扶日黑帝起黑雲扶日
雲氣如青衣人垂手在日西天子之氣

敵上氣中龍馬雜色鬱冲天者此皆帝王之氣不

乙巳占

卷九

二

可擊若在吾軍上戰必大勝

范增曰漢祖氣皆為龍虎此天子氣也又云吾使人望沛公其氣冲天五色相攙或似人此非人臣之氣也

氣如魚鳳有五采有形隨王時發者皆天子之氣多自出于天

將軍氣象占

將軍之氣如龍如虎在殺氣中兩軍相當若發其上則其將猛銳將欲行動先發此氣若無行動則有暴兵起吉凶以日辰決之

猛將氣如烟火壯

猛將氣赤白氣繞之

猛將氣山林竹木

猛將氣紫黑如門樓或上黑下赤似黑旂

猛將氣如塵埃頭銳而界本大而高

兩軍相當敵軍上氣如困倉正白見日蓋明者猛將

氣也不可擊

氣青白而高將勇大戰

前白後青而高將怯士勇

前大後小將怯不明

乙巳占

卷九

三

敵上氣黑中赤氣在前者將精悍不可當

敵上青氣而疏散者將怯弱

軍上氣發漸，如雲變作山形者將有深謀不可擊
若石吾軍上者必大勝

凡赤氣上与天連中軍有名將一曰賢士

軍勝氣象占

凡氣占与天連此軍士衆強盛不可擊若在吾軍上
可戰大勝

軍上氣如火光將軍猛士卒猛不可擊若在吾軍上
戰必大勝

軍上氣如塵埃粉沸其色黃白如旂旌無風自颺其
勢指敵我軍欲勝可急擊之

有雲如布疋廣前後大軍行氣也

兩軍相當白氣沸粉如棊緣之以赤氣者銳不可擊

若上吾軍上戰必大勝

營上氣黃色厚潤重者慎勿與戰兩軍相當有氣如
人持斧外向戰敵大勝若在敵軍上不可擊

兩軍相當上有氣如蛇奔首向敵勝

敵上氣如疋布此權將之氣不可攻若在吾軍上戰
勝

敵上有雲如牽不可擊

逆望軍上如門雞赤白相隨在雲中得天助也不可

擊

敵上發黃氣將士勇不可擊若在我軍上可戰

軍營上有赤黃氣連于上不可攻

凡軍營一有五色氣上與天連此三應之軍不可擊

有氣上小下大其軍士日增益士卒

氣以提其軍伏于下

軍上前後白勝若衆吾軍急往躐之勝

天氣銳色黃白雪潤者敵將勇猛且士卒能強不可

擊

雲如日月而赤雲繞

日月暈狀有光者所戰之地大勝不可攻

敵上有氣或雲及在中天而及軍上常有此氣不攻者堅固難攻

凡雲氣似虎居上者勝

軍上氣如塵埃前後高者將士精銳不可擊

敵上氣如亂虎者難攻

軍上常有氣其兵難攻

軍上雲如華蓋勿往與戰

乙巳占

卷九

五

有雲狀如飛鳥去所我國戰勝

雲如旌旗如鋒向人者勿與戰

有氣如飛鳥徘徊在其上或來而高者兵精銳不可

敵

夜黑氣出上有赤氣臨我軍上敵強我弱不可擊

軍上氣如牛高頭低尾昂首勿與戰

軍上氣如杵形勿與戰

望四方有赤氣如鳥在鳥氣中如黑人在赤氣中如

赤鳥在鳥氣中如人十十五五及狀如旌旗在鳥氣

中上有雲如山兵可拒赤氣在前者敵人精銳不可

當

敵上有雲如山兵可托

有雲長如引索前後銳或一或四黑色有陰謀青色
有兵赤色有反黃色急去

日暈有雲氣入軍中隨所入擊之

有暈有抱所臨者勝

日暈相交居之者勝

虹直指而順之擊可勝

暈有抱有虹順抱者勝

日旁半暈而頭尖有戟者隨所指擊之

乙巳占

卷九

六

軍敗氣象占

有氣上黃下白名曰善氣所臨軍欲求和雲退向北其象死散向東則不可信眾能為害向南將死

敵上氣因廢枯散如馬肝色或如死灰或擬姬蓋如或類醢魚皆將士散敗

敵上氣乍隱乍見乍聚散始霧初起此敗氣可擊乍氣上大下小士卒日減

凡軍日無氣發此必敗有赤白氣乍出即滅外雖欲戰其寔欲退散

黑氣如壞山隨軍上者名曰營首之氣其軍必敗

軍上氣如火光夜照如晝軍士散亂

軍上氣出而半絕者欲敗漸尽者走一絕一敗再絕
再敗三絕三敗在東日起氣發者突深

軍上氣如羊形或如猪形此是瓦解之象軍必敗

敵上有氣如双蛇疾往攻之大勝

軍上赤氣炎炎降于天下衆亂將死

黑氣如火光從天上來流入下軍、亂將死

彼軍上蒼氣須臾散擊之必勝若在吾軍上須自堅

守

軍上有黑氣如牛形或如馬形從雲霧中漸、入軍

名曰天狗下食血則軍散敗

敵上氣如群鳥亂飛此衰氣

望彼軍上氣如懸衣又如女人相隨擊之可得

望彼軍上氣粉，如轉蓬者急擊之

望彼軍上氣色如楊灰敵欲退去氣花黑者士卒飢

援兵相去十里外

望彼軍去高而前後白青者散此敗軍之氣擊之可

得

雲如覆船車蓋者其軍必敗

雲氣如人頭臨軍營中戟不勝血流入溝渠

敵上雲如群羊如驚鹿必退走急擊之
雲如捲席如疋布亂穰者皆為敗氣可攻而擒之
雲氣蓋頭蔽如濛畫冥者飯不暇擇攻不及熟宜急
去

有雲如雞兔臨軍營者軍敗之

軍上黑氣而卑如樓狀軍移必敗

敵上氣如卧人無半疋或自散亂不起者敗如擊牛

凶敗

敵上氣如双蛇如飛鳥如决堤垣如壞屋如人相指

如人無頭如驚鹿相逐如人形相向此皆將敗之象

凡降如人氣如人义手低頭又如人义手相向青白
氣如群鳥趨如長營遠驚結百餘里不絕而徘徊須
臾如黑山

雲為緣者將降服之象

敵上氣青而漸黑者將欲死

雲氣如人頭者將軍失眾軍散之象 如燔生艸之

烟而雖銳後必退得歲月使擊之必勝

黑雲臨營或聚或散如鳥將宿敵人畏我心意不定

終欲逃避逼之大勝若在吾軍上最宜安撫

日暈有氣如死蛇尾暈者將死助軍相當不利先鋒

日象有赤雲如懸鐘其下死將

日暈四方均道為力停有闕薄殺細所臨者敗

日月暈有背氣所臨者敗

軍上有白虹及提屈者敗

軍上有白虹及魄入營者敗

白暈氣後至先去者敗

軍上有白霧虹蜺及犯之戰者敗

日暈有四缺在外軍盡散敗

城勝氣象占

白氣從城中南北出者兵不可攻城不可屠

城中有黑雲如星名曰軍精急解圍去有哭出客敗
城上白氣如旌旂者勝若赤界其兵精不可當

赤雲臨城有大喜慶

黃雲臨城有大喜慶

城中有氣出東其光黃此天一城不可伐攻者死

白氣從中出又從北入及返回轉者不得入城

諸攻城圍邑過旬不雷不雨者為城中有輔疾去之

勿攻

城壘氣出于外火烟者主人欲出戰其氣無極者

不可攻

赤氣如杵形從城中出向外者內兵突出至人勝
城上有雲分為兩彗狀出攻不可得

城上氣不見于外者不可攻

赤氣如城上出者內兵勝宜脩之

凡攻城有諸氣從城出入吾軍上者敵人兵氣也
濛氣繞城不入者外兵不得入

日暈有白虹貫日其城下不可拔

日暈有氣從中起四出者圍中勝

屠城氣象占

赤雲在上黃雲四塞遮之城中大將死城降

乙巳占

卷九

十

城上有赤雲如破軍城可攻

城上赤氣如飛鳥城可攻急擊之則敗走

城營中有赤雲狀如狸皮班皮赤並破亡將敗

城上氣如死灰色及上下出者城可攻一日攻城圍

邑其氣如死灰出而覆其軍上者士卒多病可屠氣

出復入者人欲逃走 攻城圍邑

城上氣聚如樓見外者攻之可得

望城氣起而正上者赤可屠

城營上有雲如蒙人頭赤色下多流血死喪

攻城圍邑其氣如灰城可屠

東城可攻其氣出東西城可攻其氣出西
其氣出高而無止用日久長

有氣從城外者兵欲盜攻

攻城黑雲臨城者積土固險之象黑為水氣城池之
稱也我據城敵不能為我攻故不可攻人曰望而
無攻知難自止因可用智不敗

有白雲如蛇來止敵城上者急攻之失緩則失後其
城上來止我軍最宜固守攻城若不雨濛霧曰北風
至兵勝日色無光為日死
雲氣如旌旗臨陣其下必有降者

乙巳占

卷九

十一

濛霧圍城而入城者外兵得入有雲如五人五枝或

如三牛圍城

城上有蚊頭之降城可攻

有曲虹外入城中三日內城可屠

得重暈而有白虹貫日圍城可喜客勝

伏兵氣象占

軍上黑氣洋，圓而長赤氣在其中其下必有伏兵不可擊

軍當欲戰或上相守者望彼軍上白氣粉沸起如樓狀其下必有藏兵萬人不可擊

軍行近山林坑谷之間當善防之是伏兵之地而上
有黑雲者不疑

雲紛、連綿相交及似蒿草數尺為車騎狀伏兵
雲如布席之狀及似蒿草數尺計此為步卒伏兵

壬子曰候四望無雲獨見赤雲如旌旗其下有伏
兵

伏兵之氣如幢節狀在烏雲中或如赤杆在烏雲中
或如鳥人在赤雲中

黑氣在南賊外復有伏兵謹候察之有衆之無適而
軍相當

乙巳巳

長九

十二

赤氣者以兵之氣也。若有赤氣在前，伏兵在前，赤氣在後，伏兵在後。左右知之，察望則知伏兵所在。軍上有氣，鳥之中有赤氣，必有伏兵，不可攻。前有烏氣，後有白氣，必有伏兵，不可攻。有雲如山，岳在外，有伏兵。

暴兵氣象占

白氣如瓜蔓連諸部隊，相逐，頃火罷而復出，至八九而來，不斷，急賊卒，至宜國防之。白氣如仙人衣，千萬連結部隊，相逐，罷而復興，如是者，常有千里兵來，所起備之。

黑氣敵上來之我軍上欲襲我敵人吉直備之不宜
此敵因從而擊之必得小勝

天色蒼茫而有此氣依日支干數內無風雨則所發
之方必有暴兵日尅時則凶尅時日自散一人來則氣
一條若散滿無數則有衆人來期至支干數內有風
雨則伏敵欲來者其氣上有雲下有雲其下敵必
至雲氣如旌旆旗賊兵暴起

暴兵起氣如赤雲氣如行人必有暴兵色白而卒至
者是暴兵之

氣如人持刀負有雲如人坐赤色所臨城邑卒兵至

驚怖頭人去

赤氣如人劫劫兵來未急

雲有赤虹有思兵

白虹出長畫有暴兵流血

有雲如人形上不崩有暴兵

赤雲如火所向兵至

天有起兵氣如足布經丑未者天下多兵赤者尤甚

有雲如胡人列陣天下兵起

天有白雲廣六丈東西竟天者兵起青有大喪

白氣如帶道竟天有暴兵

有雲如尺布持棒兵起民流四方
獨有赤氣赫然者所見之處兵起

戰陣氣象占

有氣青白如膏將勇大戰

將敗
氣如人無頭如死人卧如兩蛇赤氣隨之必有大戰

四望無雲獨見赤雲如狗入營中其下流血

獨見赤氣如三蛇其下有流血出戰

獨見赤雲如衆船者有戰

初出軍時天氣昏濛雲色陰沈寒壯者必戰若清陽

乙巳占

卷九

十四

溫和風至不動者不見敵亦不戰

有青氣見斗之上王相日當成交戰不見者不戰

白虹若赤曲此見城上其下必戰流血

青氣屈旋停任者其下有兵流血

白氣如車入北斗中轉移者下有流血大將死

雲如耕壟兵必戰大驚

日出氣或相交貫穿或相背主中不和

日有白氣非虹交見者後上擊下勝若無雲而見者

不必流血助兵相當必交戰

有白虹列四五六者見亦為大戰

日旁有缺萬人死其下兩軍相當不利先舉
月初滿而缺軍必戰
日月有赤雲截之大將軍在萬人死其下兩軍相當
不利先舉

圖謀氣象占

白氣群行徘徊結聚者為他國人欲圖人不見應視
其所往隨而擊之可得

日月蒙之無兵士卒內亂將軍猶法度察有功以自
明及有兵口發上嚴行而同奸人謀議

天陰沉不下雨晝不見日夜不見星月三日以上陰
乙巳占

謀也時與左右及敵使五日過七日有謀蔽將奪其
權此有暴兵

連陰十日亂風四起欲雨不雨名曰濛臣謀君故曰
久陰不雨臣謀主天陰沉日月無光晝不見日夜不
見星月皆有雲障之而不見此為君臣俱有陰謀助
敵相當陰國罔城若晝陰夜月出君謀臣夜陰晝日

臣謀君

黑風如幢出于營中上黑下黃敵欲來未來成而無
成寔言信相反同奸于我謀將軍之事通言九日之
內覓備之言

黑氣臨我軍如車輪行敵人亂我國臣與同句引小
臣軍行罰吉

黑氣遊行中舍五色臨我軍上敵必謀合諸侯而伐
五國諸侯反謀君自敗

九土異氣象占

史記曰故侯息耗者入國邑視封疆田疇之正治城
郭宮室門戶之潤澤次至車服畜產精華寔息者
吉虛耗者凶然則天地間無不有氣色者也故大水
處敗軍傷國之墟下有積錢金寶之上皆有氣不
可不察也轉次之云尔

乙巳占

卷九

十六

海傍蜃氣象樓臺

廣野氣成空

自華山以南下黑上赤

嵩山王河之郊氣正赤色

恒山北氣下黑上青

渤碣海岱之間氣皆黑

江淮之間氣皆白

東海氣如圓燈

漢水氣如引布

江漢氣勁如杼

濟水氣如黑旄

水氣如白狼白尾

淮南氣如帛

少室氣白兔青白尾

恒山之氣如黑牛有尾

東夷氣如樹

西夷氣如屋室

南夷氣如闔

舟船幡旂

北夷之氣

如第群畜闔

陣雲如五垣

七已止

卷九

十七

陣雲類丁軸行雲誤書陣雲

雲搏兩端也

朽雲如絕者尸

巨天

其半天其翼

翼音同

者類闕旂

故鈎雲句曲

諸此雲見以五色合占而澤搏密其見動人及有占
兵必起

合闕其直

千歲龜上有白雲

韓雲如布 趙雲如牛

楚雲如日

宋雲如車

魯雲如馬
魏雲如鼠

衛雲如犬
鄭雲如絳衣

周雲如車軌
越雲如龍

秦雲如行人
蜀雲如困

後序

淳風撰

欲知吉凶之得失者當觀所犯之宮座在人
之善察焉身預曉妖變括量銓度推氣出沒精
益精玄之又玄其諸隱辭占決並在略例中若
志研求早圖指者也予且為之白首粗得其
門後之學者深鑒此意慎毋忽諸

乙巳占卷第九終